

**Modus docendi tria
habet re-
quisita.**

necessarium, principalis agens (sive sit Philosophus, sive alius facultatis sectator) ad producendum effectum simpliciter eo carere non potest. Et rursus, si instrumentum est, non continebit in gremio suo omne scibile, tanquam divina quædam favilla; id quod bene multi sibi persuasum habent, & aliis persuadere conantur. Ex his efficitur, Logicam hoc modo proponendam esse, qui prolixitate non fatiget, qui brevitate non obscuret, qui suavitate delectet. Si enim prolixa & tricubitalia volumina Logica scribantur, in quibus minutiae Logicæ excutiantur, multi laudatissimam artem negligent, plures in eam opinionem venient, omnia ex Logicis disci posse. Si brevia nimirum præcepta, & ea quidem exucca, sine Maximis, adferantur in medium, necessitas Logicæ tyronibus non patebit. Denique si barbaris & horridis terminis, quorum uberrima mesis est apud quosdam Scholasticos, utare, venustram virginem panoso isto amictu omnibus invisam reddes. Hos scopulos evitabis, si lumen methodi & puritatem verborum, non dico superstitione, sed prudenter ubiq; tibi proponas. Puritatem verborum dum dico, non repudio terminos docendi discendiq; causâ ab artificibus excogitatos, sed barbariem, vel potius tenebras & ulcera vocabulorum rejicio. Lumen methodi requiro, quod discenti tenebras Cimmerias discutit, non autem nimirum accuratione & rigore subtili potius quam utili eum involvit. Cum enim profectus discentium ex præscripto Dei Opt. Max. propositus esse debeat docentibus; nullus video, quomodo illum sibi præstuant ceu scopum & mensuram rigidi illi Methodici, qui methodum prudentiæ à sapientiæ methodo planè sejunctam volunt; contra quos agemus suo loco. Cæterum lumen methodi quod in tradendis præceptis logicis sequi oportet, complecti hîc lubet duobus axiomatis:

1 *Disciplinæ operatrices disponendæ sunt methodo analyticâ, quæ jubet breviter præcognoscere finem & subjectum, & media cognoscere pleniū.*

2 *Disciplina quælibet rectè traditur per præcepta & regulas, additis brevibus commentariis.*

Modus tra-

**Hoc est quod dicunt majorum gentium philosophi, mo-
dum**